

CRISPY CHICKEN
LIKE NEVER BEFORE

CRISPY CHICKEN TACO
Afl. 7.50

CRISPY CHICKEN STRIPS
WITH 1 DIPPING SAUCE
Afl. 5.75

CRISPY CHICKEN BURRITO
Afl. 8.75

COMBO TACO
Afl. 10.50
• 1 Crispy Chicken Taco
• Small Fries and 16oz Drink

COMBO BURRITO
Afl. 12.75
• 1 Crispy Chicken Burrito
• Regular Fries and 20oz Drink

CRISPY CHICKEN BOX
Afl. 21.75
• 1 Crispy Chicken Taco
• 1 Crispy Chicken Burrito
• 1 Cinnamon Twist
• 1 Regular Fries and 20oz Drink

Solucion inteligente pa awa di yobida

Dicon ‘gabion’ ta un bon idea pa Aruba


ARUBA ta enfrenta un problema sorprendentemente comun: inundacion repentino. Ora awasero yega, hopi biaha nan ta subito y pisa, inundando cayanan, yenando barionan cu awa, y erosionando barancanan fragil. Pero tin un solucion sorprendentemente simpel y ecologico cu ta ganando atencion mundialmente—structuranan di ‘gabion’. Nan por haci milager aki mes na Aruba.

Gabion ta caha di waya yen di piedra. Aunke nan por no zona glamoroso, nan ta increiblemente efectivo. Originalmente uza pa stabilisa oriya di rooi y controla erosion, awor gabionnan ta ser uza pa tur cos, for di maneho di awa di yobida te na embeyecimento di zona urbano. E magia real ta sinta den nan versatilidad y e manera con nan ta traha cu naturalesa en bes di contra dje.

Na luganan manera e Desierto di Sonora na Merca y Mexico—unda e condicionnan ta hasta mas extremo cu Aruba—gabion a ser uza pa slow e fluho di awa di yobida, captura sedimento, y crea zonanan berde na unda antes tabatin solamente stof. Door di instala e structuranan yen di piedra aki den rooinan seco of canalnan di awa, e velocidad di e awa cu ta core ta baha drasticamente. En bes di awa core bay cu tur cos, e ta haya chens pa sippel den tera. Sedimento ta acumula tras di e gabion, y eventualmente ta forma un tera rico unda matanan nativo por crece. Esakinan ta bira espacionan berde cu ta wanta humedad, fria e aire, y apoya biodiversidad.

Pues, con Aruba por uza esaki?

Na prome lug, instala gabion den areanan vulnerabel pa inundacion—manera cerca di duiker, na rand di caminda, of den canalnan seco pa awa di yobida—por yuda inmediatamente reduci e velocidad y volumen di awa durante awase-



ronan pisa. Esaki ta nifica menos caya inunda y menos caminda dañ. Na di dos lug, gabion por stabilisa baranca y preveni erosion, specialmente den areanan cu tera los of unda construccion a perturba e paisahe natural. Nan por reforsa e barancanan cerca di cas, parke, y caminda, haciendo nan mas resistente durante yobidan pisa.

Na di tres lug, y kisas esun mas emocionante, gabion ta ofrece un chens pa haci e espacionan urbano di Aruba mas berde na un manera natural. Mientras cu e sedimento ta acumula y awa ta keda atrapa bou di tera, matanan ta cuminsa crece. Cu un tiki planificacion—kisas agregando palonan of matanan nativo—e luganan aki por bira mini-oasisnan. Cu tempo, nan ta yuda fria barionan, limpia aire, y atrae parha y polinisadonan. Loke ta haci gabion ainda mas atractivo ta nan costo abou y durabilidad. Nan por ser construi usando materialnan local y no ta rekeri mashin of kimico sofistic. Cu un diseño corecto, nan por dura decadanan cu un minimo di mantencion.

Mientras Aruba ta sigui enfrenta patronchinan di tempo impredecibel, solucionnan manera gabion ta ofrece un manera pa adapta na un forma inteligente y sostenibel. No ta trata solamente di controla awa—ta trata di transforma retonan den oportunidad. Un caya inunda awe por bira un caminda berde cu sombra mañan. Tur loke mester ta un tiki piedra, waya, un poco awasero—y un manera nobo di pensa con nos por uza naturalesa pa cura naturalesa.